

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK

Broj: 02-45-14/90/21
Zenica, 08. 07. 2021.godine

STRUČNA SLUŽBA GRADSKOG VIJEĆA

PREDMET: Prijedlog Odluke o izmjeni Odluke o osnivanju Gradskog pravobranilaštva Zenica,
dostavlja se,

Poštovani,

U prilogu ovog akta dostavljamo vam Prijedlog Odluke o izmjeni Odluke o osnivanju
Gradskog pravobranilaštva Zenica.

S poštovanjem,

DOSTAVLJENO:

1x Naslovu,
1x a/a.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRIJEDLO G

OBRADIVAČ

- Služba kabineta Gradonačelnika

IZVJESTILAC

- Gradonačelnik

ODLUKA

O IZMJENI ODLUKE O OSNIVANJU
GRADSKOG PRAVOBRANILAŠTVA ZENICA

Na osnovu člana 32. stav 2. i 4. Zakona o pravobranilaštvu ("Službene novine Zeničko-dobojskog kantona", broj 12/13) i člana 21. Statuta Grada Zenice ("Službene novine Grada Zenica", broj 5/15), Gradsko vijeće Zenica na ____ sjednici održanoj _____ godine, donijelo je

ODLUKU
o izmjeni Odluke o osnivanju Gradskog pravobranilaštva Zenica

Član 1.

U Odluci o osnivanju Gradskog pravobranilaštva Zenica („Službene novine općine Zenica“, br. 5/14 i „Službene novine Grada Zenica“, br. 2/15) u članu 10. dodaje se novi stav (3) koji glasi:

„Broj zamjenika pravobranioca utvrđuje se Pravilnikom o unutrašnjoj organizaciji Gradskog pravobranilaštva uz prethodne konsultacije sa Gradonačelnikom.“

Član 2.

U članu 20. mijenja se stav (2) koji glasi:

„Pravilnikom iz prethodnog stava uređuje se obavljanje stručnih i administrativno-tehničkih poslova, kao i broj zamjenika gradskog pravobranioca i državnih službenika i namještenika potrebnih za ostvarivanje funkcija Gradskog pravobranilaštva.“

Član 3.

U svim odredbama Odluke riječ „zamjenik“ zamjenjuje se u odgovarajućem padežu i rodu riječju „zamjenici“.

Član 4.

Zadužuje se Komisija za propise da sačini prečišćeni tekst Odluke.

Član 5.

Ova Odluka stupa na snagu danom donošenja.

Broj:01- /21
Zenica,

PREDSJEDAVAJUĆI GRADSKOG
VIJEĆA ZENICA

O b r a z l o ž e n j e

I PRAVNI OSNOV

Pravni osnov za donošenje Odluke o izmjeni Odluke o osnivanju Gradskog pravobranilaštva Zenica sadržan je u odredbama Zakona o pravobranilaštvu ("Službene novine Zeničko-dobojskog kantona", broj 12/13).

Članom 32. stav 2. Zakona o pravobranilaštvu propisano je da općinsko pravobranilaštvo osniva općinsko vijeće, dok je istim članom 32. stav 4. propisano da općinsko vijeće odlukom utvrđuje sjedište pravobranilaštva, način osiguranja sredstava za njegov rad, broj zamjenika općinskog pravobranioca i dan početka rada.

II RAZLOG DONOŠENJA

Razlog donošenja Odluke o izmjeni Odluke o osnivanju Gradskog pravobranilaštva Zenica jeste objektivno utvrđen povećan obima posla, te potreba za povećanjem nivoa pravne zaštite imovine i imovinskih interesa grada.

III POJAŠNJENJE SKRAĆENOG POSTUPKA

Imajući u vidu da je u konkretnom slučaju nije riječ o obimnoj izmjeni Odluke, odnosno da nije riječ o složenom ili aktu obimne pravne regulacije, to predlagač isto, u skladu s odredbom člana 69. stav (1) Poslovnika Gradskog vijeća („Službene novine Grada Zenica“, broj: 4/17), dostavlja Vijeću na razmatranje u formi prijedloga.

Shodno naprijed navedenom predlažem vijećnicima Gradskog vijeća da usvoje ovaj prijedlog Odluke o izmjeni Odluke o osnivanju Gradskog pravobranilaštva Zenica.

GRADONAČELNIK
Fuad Kasumović